

2012ko laugarren hiruhilekoan eliza-ezkontzak ez ziren ezta %20ra ere iritsi

2012an Euskal AEko ezkontza-kopurua %2,3 gutxitu zen aurreko urtearen aldean

Euskal AEko ezkontzak: 2012ko laugarren hiruhilekoan, ezkontza zibilak gehitu egin ziren aurreko urteko aldi beraren aldean; 2011ko %76,6tik 2012ko %80,9ra, Eustaten datuen arabera. Normalean urteko azken hiletan udan baino ezkontza zibil proportzio handiagoa izaten da; udan elizan %39,3 egin ziren, eta modu zibilean %60,7.

Urrian, azaroan eta abenduan 1.464 ezkontza izan ziren Euskal AEn, aurreko urteko hiruhileko berean baino %5,1 gutxiago. Bizkaian 769, Gipuzkoan 457 eta Araban 202. Erkidegotik kanpo bizitzera joan zirenen artean, 36.

Bizilekua Euskal AEn duten 1.400 gizonezko eta 1.421 emakumezko ezkondu ziren. 1.225 senarrentzat (%87,5), lehen ezkontza izan zen; 17 alargun eta 158 dibortziatu berriro ezkondu ziren. Lehen aldiz ezkonduetako emakumeen portzentajea pixka bat txikiagoa izan zen gizonena baino; 1.234 izan ziren (%86,8); alargunak 8 eta dibortziatuak 179.

Emakume ezkonberri atzerritarren ehunekoa handitu egin da

2012ko laugarren hiruhilekoan senarren %10,2 eta emazteen %14,4 atzerritarrak ziren. Senar atzerritarren ehunekoa lehengo urteko hiruhileko berekoaren antzekoa da; emazteena handitu egin da (2011n %12,3).

Ezkontzak ezkontideek eztei-egunean zuten adinaren arabera banatuz gero, 2012ko laugarren hiruhilekoan senarren arteko %88,9k 30 urtetik gora zituzten; emazteen artean, berriz, %78,8k. Ehuneko biak aurreko urteko hiruhileko berean izandakoak baino handiagoak dira, aldi hartan %86,3 eta %77,4 izan baitziren.


Sexu bereko pertsonen artean 23 ezkontza egin ziren, aurreko urteko hiruhileko berean (40) baino dezente gutxiago.

Aurrera doa ezkontzeko adina atzeratzeko joera; 2012. urtean senarren %85,2 eta emazteen %73,3 30 urterekin edo gehiagorekin ezkondu ziren; 2011n (%83,5, %71,8) baino ehuneko altuagoak.

2012. urteko behin-behinekoan, Euskal AEn bizi zirenen ezkontza kopurua aurreko urtekoa baino %2,3 txikiagoa izan da. Ezkontza zibilen proportzioak 2,7 ehuneko-puntutan gainditu zuen 2011koa, guztien %71,2 izan zelarik.

	2012ko 4. hiruhilekoa		Aurreko hiruhilekoa (2012ko 3. hiruhilekoa)		Aurreko urteko hiruh. bera (2011eko 4. hiruhilekoa)	
	kop.	%	kop.	%	kop.	%
EZKONTZAK	1.464	100,0	2.690	100,0	1.543	100,0
Kanonikoak	280	19,1	1.056	39,3	361	23,4
Zibilak	1.184	80,9	1.634	60,7	1.182	76,6
SENARGAIK	1.400	100,0	2.596	100,0	1.492	100,0
Ezkongabeak	1.225	87,5	2.376	91,5	1.274	85,4
Alargunak	17	1,2	18	0,7	14	0,9
Dibortziatuak	158	11,3	202	7,8	204	13,7
EMAZTEGAIK	1.421	100,0	2.638	100,0	1.504	100,0
Ezkongabeak	1.234	86,8	2.404	91,1	1.296	86,2
Alargunak	8	0,6	10	0,4	13	0,9
Dibortziatuak	179	12,6	224	8,5	195	13,0

Iturria: EUSTAT. Euskal AEko Ezkontzen Estatistika



Informazio gehiago:

Eustat - Euskal Estatistika Erakundea / Instituto Vasco de Estadística
Donostia-San Sebastián, 1. 01010 Vitoria-Gasteiz
Prentsa zerbitzua: servicioprensa@eustat.es Tel.: 945 01 75 62
Euskal AEko EZKONTZEN ESTATISTIKARI buruzko prentsa-ohar gehiago
Euskal AEko EZKONTZEN ESTATISTIKARI buruzko datu-bankua